

INI EMI ENIMDE ENỌ OWO
Ecclesiastes 3:1-17; 8:11-13; Psalm 95: 1-11;
Isaiah 49:7-9; 2 Nwedi Corinth 6:2
OYOHỌ UKPEP-NKPO 377

Eke Ikpọ Owo

IKỌ IBUOT: “Sese, ini mfon-ido mi; sese, usen erinyaña mi” (2 Nwedi Corinth 6:2).

I Ini Kpukpru Nkpọ

- 1 Ekut uwem nte nkpọ eke ọkpuhọrede, Ecclesiastes 3:1-8
- 2 Abasi ama otim anam kpukpru nkpọ man oto do owo ọkpọfiọk Enye, Ecclesiastes 3:9-14; Psalm 19:1-4; 40:5; Eriyarare 15:3, 4

II Nsinsi Ini Emi Enimde

- 1 Abasi eyekpe ikpe ye kpukpru mme idiọk owo emi mikabakere esit ke utit ini, Ecclesiastes 3:15-17; 8:11, 13; 2 Nwedi Thessalonica 1:7, 8; Eriyarare 20:11-15
- 2 Eyekpe ndinen owo utip ke nti utom mmọ, Ecclesiastes 8:12; Mme Nke 10:22; Matthew 25: 31-40
- 3 Idighe kpukpru owo edinam nkpọ Abasi, Psalm 95:9-11; 1 Samuel 8:7; Luke 19:14

SE EKPEPDE EBAÑA

Ini Emi Enimde

“Ndien kpa nte ema enim enọ owo ndikpa ini kiet, ndinyuñ nda ke itie ikpe ke oro ebede” (Mme Hebrew 9:27). Abasi okonim ini emi onyuñ oto ifiọk akpanikọ emi ke esit owo, kpa akpanikọ emi owo mikemeke ndisọhi mfep. Akpanikọ emi abahare esine ke ekikere owo. Ema ekere ebaña enye, etiñ ebaña, ewet ebaña, enim ke akpanikọ, ekañ, esin; edi baba edinam me ekikere, me edinim ke akpanikọ, owo ikemeke ndikpuhọre ke usuñ baba kiet ini emi Abasi okotimde ọsọñ onim.

Ke ediwak idaha Nwedi Ecclesiastes edi nwedi ekikere esit owo ke usuñ isañ esie ndisobo ye Abasi ke ini emi ekenimde enọ enye. Enye owut ata ediwak nduyo ye ndudue ke akam asañ-isañ usuñ obio-ubọñ Abasi, nte enye asañade ke usuñ uwem emi, tutu ke akpatre, Iko Abasi ye ima ada enye ekesim ke nkukure utit nte etiñde ke utit ekpri iko emi: “Yak nnyin ikop utit ofuri nkpọ emi: bak Abasi nyuñ nim mbet esie: koro emi edi eke kpukpru owo. Koro Abasi eyekot kpukpru nkpọ emi enamde edi ikpe, ọkọrọ ke kpukpru ndibe-ndibe nkpọ, edide eti enyuñ edide mme idiọk” (Ecclesiastes 12:13, 14).

Nkpọ-ntibe Emi Ekebede

Solomon, oto ke mfiak-edem esie, ama okut ete ke uwem odoro onyuñ ọsọñ ndifiọk. Enye ama okut nte odudu Abasi emenerede idem anam utom ke ererimbot, ndien ubọk utom oro kiet kiet ekabare enyene odudu ndibiat, anam mme udori ekabare edi ntak-urua. Edimana ekenyene ndidu man oto do mkpa odu; nko utọ enyene ndidu man idọk odu: ye mme ekese nkpọ eken, Uwem edi ikpikpu. Edi ata nkpọ eseme ndikut owo ebiatde ekpri ini uwem mmọ ke ererimbot ndien etre ndifiọk ete ke Abasi ama ada Ima ye nti nkpọ Esie akanare uwem mmọ okuk.

Se uwem ọwọrọde ke akpanikọ idighe ndibat idara mme mfuhọ, edi ndida emi nte mme itiat udighi-ukot mbe nduk uwem eke ọfọnde akan ke Christ Jesus. Ata ufọn uwem edi ndida ukpọñ emi Abasi ama ọkọkpuhọre nduk ke nsinsi ini. Edieke mme owo ekpetrede ndikere mbaña mkpọsọñ utom mmọ ye nte mbiomo mmọ edobide, edieke mmọ ekpekerede kpukpru ini ebaña nti uduak Abasi emi onimde ini ọnọ mmọ kpukpru, uwem mmọ akpakabare enem, ikponyuñ iyọhọke ye ọkpọsọñ utom ye nkpọ mkpaidem.

Ndifiọk nte ke Abasi edi andikara ndien ke owo eyeda ke itie ikpe ke iso Esie ke ini emi ekenimde akpanam mme owo ebeñe idem enọ usen oro ke nditim nkabare esit nkpọñ kpukpru idiọk-nkpọ.

“Edieke nnyin iyararede mme idiok-ṅkpọ nnyin, Enye edi anam-akpanikọ onyūn enen, ete ifen mme idiok-ṅkpọ nnyin, inyūn iyet nnyin isana ke kpukpru mme ukwaṅkpọ” (1 John 1:9).

Edikere ṅkpọ Ererimbot

Edieke owo okponyime, Abasi akpada enye osim akamba ifiok Abasi ye utom Esie, edi owo inyimeke. “Enye ama anam kpukpru ṅkpọ eye ke ini mmọ: ama onyūn esin mmọ asian ke esit, koro edieke asian midughe, owo ikemeke ndikut ṅkpọ emi Abasi anamde, ọtọṅde ke ibuo tutu osim utit.” Ke ikọ efen esit owo ererimbot ama ọwọ ata anyan oyo ọkpọn Abasi ndien mme ekikere ṅkpọ uwem emi eyọhọ tutu enye ikemeke nditim nkere eti ṅkpọ kiet mbe oro.

Eyighe iduhe nte ke ini Adam ye Eve mikọfiokke idiok, mbemiso mmọ eduo, mmọ ema enyene ntọtuṅ ifiok ndida nkut utom ye mme uduak Abasi. Edi ifiok idiok-ṅkpọ edibiat ifiok eti; ndik akabare ada itie ebuana ye edidi ufan ye Abasi. Mme emana ema ebe mbemiso mme owo, ke esiode ekpri ibat efep, etim ekere ebaña ima ye mfonido Abasi. Owo enyene ndidianare idem esie ṅkpọ mme ekikere ṅkpọ uwem emi edieke enye aduakde ndinyene ebuana ye Abasi. Koro ido Abasi ye ido ererimbot idikemeke ndibuaha kiet. “Owo ekededi eke oyomde ndidi ufan ye ererimbot anam idem usua ye Abasi” (James 4:4).

Nnen-Nnen Ubieri-ikpe

Ediwak owo edomo ukeme ndibe ke ererimbot emi ye ṅkoṅ-ṅkoṅ idaha man ekem ke se idide ekikere owo. Ediwak enam tutu ebaña mbọhiduṅ ye mme ufan mmọ ndida mmọ nte edi ata nti owo akan nte mmọ efiokde ke idem mmọ. Emi otim edi akpanikọ ke otu mme okpono Abasi okonyūn osuk edi akpanikọ ke ofuri eyo emi ṅwed Abasi odude. Emi akanam Solomon ọdọhọ ete: “ndien ṅko ṅkonyūn ndu ke idak utin ṅkut ebiet emi ekpede ikpe, nte ke idiok ido odu do; ṅkut ebiet edinen ido, nte ke mme idiok owo edu do.” Akpa owo emi okodomode ṅkari emi ekedi Cain, edi Abasi ama ọsọsọ ọnọ enye ubiere-ikpe. Achan okonyūn edi kiet emi okodomode ndidip idiok-ṅkpọ, edi ema enyūn esọp eyarade enye. Ke nka-iso uwem, edidem Saul ama odomo, ndidu uwem edinen ido, edi enye akabare edi andiwot idem esie. Mme Pharisee ye mme Saducee ema eka uduok-mmọn John, edi Abasi ama oduṅre mmọ: “Mbufo nditọ urukikọt, anie eketeme mbufo efeṅe ebọhọ iyaresit eke edide?” (Matthew 3:7). ṅwed Abasi ọnọ item ete, “Ndien mbufo etim efiok ete ke idiok ido mbufo eyesim mbufo” (Numbers 32:23).

Ke ata ediwak idaha mfin emi, mme owo enam idiok-ido ke itie ubierikpe, enyūn edaha ntre enyọhọ. Ikọ emi etiṅde ete owo ikemeke ndidu uwem mbe idiok-ṅkpọ ke eyo emi, odorode owo ndikop edi editiṅ oro ikpuhokere Ikọ Abasi. Heaven osuk edi edisana ebiet iduṅ ọnọ mbio emi ema ekekpuhore uwem mmọ esio ke idiok oto ke Iyip Jesus. Koro esiwak ndikut ukwaṅ-ido ke itie emi edinen ido okpodude, ediwak owo ema ewọṅre ekpọn Abasi enyūn eda kpukpru mbio ufok Abasi ye mme ọkwọrọ edinen ido nte mbon mbubik. Akpana nte ikọ ye isan ata nditọ Abasi efon enyūn enen adaña didie, man uṅwana Ikọ Abasi ayama ọnọ ofuri ererimbot!

Ini edibahare ke edi. “Abasi eyedomo eti owo ye idiok.” Eyeneṅere ini emi ṅkpọ midighe ukem-ukem enim. Ebriere-ikpe ofuri ekondo eyetaṅ ofuri owo obon ke ebekpo Esie onyūn ekpe edinen ikpe. Ọfiok-ibet ididuhe do ndiṅwam, ke ukwaṅ ikpe man ewọṅre ubiere-ikpe oto ke nnem-inua esie. Mme ekpe-ikpe ererimbot emi ididuhe do man eda ibat okuk ekededi edep mmọ, edi eyekpe ikpe kpukpru owo kiet kiet nte ekemde ye se enye akanamde — kpa mme edinam emi Abasi ama ekewet esin ke ṅwed Esie (Eriyarare 20:11-15).

Nditaṅ Mme Andikan

Ke ikutde ite mme ṅkpọ emi edi akpanikọ, idighe ọkpọsọn ndifiok andikan ke isaṅ emi. Akpan ekikere esiṅe mi: “Yak edi nte idiok-owo anamde idiok ido utim ikikie, onyūn ebighi anyan uwem, edi ami motim mfiok nte. . . Edi idifonkefon inọ idiok owo.” ṅwed Abasi ọsọn uyo etin ke ediwak itie ete, uforo mme idiok owo idighe nnen-nnen ṅkpọ ndida ndomo mfiok idaha edinen ido ye eke ukwaṅ ido. “Edifon ye mmọ eke ebakde Abasi.” Owo emi ọbuotde idem ye Abasi ke akpanikọ esikut mme ukut, mme idomo ye mme ntunọ, edi enye enyene ndibere ke ubok Abasi nnyūn ndori enyin ke Ete nnyin ke

heaven emi ɔfiokde akan. Kpukpru ini idiok owo okut ukut akan edinen owo, inyuñ inyeneke ndomo owo kiet ndiñwam enye mme enye emi enye ɔkpɔbuotde idem, ibɔhɔke ke ubɔk owo. Ndioi owo ndusuk ini esikɔ ata ediwak inyene, edi ata inyene, nte Jehovah etiñde edi mme inyene oro enimde ke Heaven. Inyene ererimbot eyebiara, edi inyene eke heaven ebighi ke nsinsi. Ntre, akpatre edikan ndinen owo edidi ndinyene heaven nte nsinsi ebiet iduñ mmɔ, ke enye emi asañade ke ññwaña usuñ edikutde nte edu uwem esie adade enye ɔsuñɔ ke nsobo.

Ini Emi Enyime

Jehovah edi akwa Abasi! Ke akpanikɔ Enye odot ndibɔ itoro owo ye ukpono. Enye okobot kpukpru ñkpɔ, ndien Enye ke omomum akama “onyuñ ada uyo odudu Esie omum kpukpru ñkpɔ akama” (Mme Hebrew 1:3). Kam kere, owo ekeme ndibɔñ akam ebe osim Abasi, ndien Enye eyedɔñ ibɔrɔ!

Eda uwut-ñkpɔ eto nditɔ Israel, ete ke mmɔ ema ekop uyo Abasi kpukpru ini, ema ekut mme utibe-ñkpɔ emi Enye akanamde ke ufɔn mmɔ; kpa ye oro mmɔ eyat Abasi esit, edomo Enye, inyuñ ibatke mbɔm Esie ke ñkpɔ. Abasi ama ɔfuhɔ abaña emana oro ke isua aba, ɔdɔhɔ ete, “Mmɔ eyoyo kpukpru ini ke esit mmɔ: Mmɔ inyuñ ifiokke usuñ Mi” (Mme Hebrew 3:10). Ekedì ini emi ekenyime enɔ emana Israel, kpa ini emi Abasi ekpekopde onyuñ ɔbɔrɔde akam mmɔ, edieke mmɔ ekpekebɔñde nte ɔfɔnde. Mmɔ ndisin ndiyom nnyuñ ndori enyin ke Abasi ɔsuñɔ ke mmɔ nditaba isɔñ uñwɔñɔ. Emanan nditɔ Israel oro etak ke akai ikɔt.

Ke ukem usuñ oro ke Spirit Abasi oduk ke esit mme owo mfin emi. Ke ata ediwak idaha Abasi ayarade ke esit mme owo ete ke Imɔ idudu, ndien ke Imɔ idi Andinɔ mmɔ oro eyomde Enye utip. Ini ewe ke mme owo ekpeyom Abasi? “Sese, ini mfon-ido mi; sese, usen erinyaña mi.” Edisana Spirit ɔdɔhɔ ete, “Mfin edieke mbufo edikopde uyo Esie, Ekusɔñ esit mbufo” (Mme Hebrew 3:7, 8). “Mbufo eyom Jehovah, ke ini ekemede ndikut Enye, eseme ekot Enye, ke mi enye ekperede” (Isaiah 55:6). Usen kedi emi owo midikemeke aba ndikut Jehovah, Spirit Esie idikpereke aba esit nditɔ owo, man odomo ndiduri mmɔ nɔ Idem Esie. Ini emi edi eti ini owo ndinyime Abasi. Mfin emi asaña ye uñwɔñɔ Abasi edibɔrɔ akam. Idorenyin iduhe ke ini iso ibɔhɔke mmɔ oro ebuotde idem ye Abasi idaha emi, ibɔhɔke mmɔ oro edade ini emi mmɔ enyime enam akpan ñkpɔ ye Abasi.

MME MBUME

- 1 Siak ntak kiet emi Abasi onimde mme ini ye mme eyo?
- 2 Nso ikeme ndidi ñkukure udori ini emi enimde enɔ owo ke ererimbot?
- 3 Nso idi ntak emi ɔsɔñde ye uduot owo ndifiok ubɔk utom Abasi?
- 4 Nso idi ntak emi edide ñkpɔ iduɔ ɔnɔ ekese owo ndikut idiok-ñkpɔ ke itie emi eti ido okpodude?
- 5 Anie edikpe ikpe ndinen ye mme idiok owo? Ini ewe?
- 6 Nso idi ntak emi esit nditɔ owo efiopde ndinam idiok?
- 7 Nso idi ntak emi edifɔnde ye ndien owo?
- 8 Nso idi ntak emi midifɔnke ye mme idiok owo?
- 9 Ewe ini ke owo okponyime Abasi?